



Ishpee ayiwawk li moond ayawak dawn la maenzoon shawpou tahkow lee mwawn, ka-kee- kishkayhtakwun chi-wawpastamahk ay-ouhpipayik paktatawmouwin ahkoushiwina tapishkoot COVID-19 pi li floo.

Cheestahoukawayien chikenawayimikouyin pakwatem li floo pi COVID-19 aykwawnima keeyapit nahiykouhk poor li moond chi-kenawayimihchik pakwatem kawmshi-awhkoushihk ay-ishpaiwin, avek daw la pitael ayawin.

Il i patdawnee pi miyoupayin chi-kawschitinamaen tou lee deu COVID-19 pi li floo cheestahoukawayien li mem tawn, ashaynam endawaychikaywin poor iyikouhk keewkaywina ishi li dokteur, li nurs pamihewayw keema daw alawntour la michinn kawkenayihchikawtayk.

Chi-kenawayimishouyin pi kootakak, souroo maykwawt ishpee li sezoon'd paktatawmouwin ahkoushiwina:

- ➔ ayahkan shayhkay toon COVID-19 cheestahoukawaywina pi li floo cheestahoukawaywina
- ➔ ay-shouhkishkamin en mask pooshtishka, nahiykouhk oushistaniwun en mask peehchee ayowin dawn la maenzoon kaw-ayahk, souroo keeshpin kiya nawut si kawmshi-awhkousiwhk ouschi
- ➔ tou lee zhour pishishkayista poor wawpahchikawtaywina di ahkoushiwina pi ayahkan keekiwawhk keeshpin kitakhoushin
- ➔ kisheepaykishchihchay wawweeput
- ➔ akwanaha kitoon ishpee kaw-ohtstootamin keema chawhchamouhk
- ➔ tapitow payhkitaw kaw-mishi-mawshihtawhk kaykwaya
- ➔ zaenproovmawn dawn la maenzoon l'ayr emamiyouwin

Kaw-kee-peekishkwawtaw la sawntee nakahtoohkayw ouschi si posibb la michin tretmawn poor COVID-19 (Paxlovid keema Remdesivir) pi li floo (oseltamivir) keeshpin ki-ahkoushin pi ki-ayawn payyek keema ayiwawk si riskee ayimihikoowayna aykwawnima ayiwawk ishpow kiya en risk. Poor ayiwawk weehstamakaywin, taypwayhkun 811 keemakeewkay [Ontario.ca/antivirals](https://ontario.ca/antivirals).

COVID-19 Cheestahoukawaywina

Tawnaenhki aykwawnima aenportaan chi-ayawyin COVID-19 cheestahoukawayyen

Cheestahoukawayyen si aykwawnima nawut apatan chikenawayimikouyin kawmshi-awhkoushihk ouschi COVID-19 awhkousiwin pi ashaynam en risk kaw- ahkikihk avawn-COVID-19 ishayawin (kishkayhtawkwun ishi kinwaysh COVID).

Ooma neu oushtawniwun ouschi COVID-19 cheestahoukawaywin nootinum ooma XBB itouwahk si la paarmisyoon aen awpachistawhk poor li moond see lawzh sis mwawn pi ayiwawk akwa nawut kikenawayimikoun pakwatem ooma neu Omicron XBB itouwahk.

Ishpee chi-ayawyin COVID-19 cheestahoukawayyen

Pikwawna sa lawzh sis mwawn pi ayiwawk chikee outistikow COVID-19 cheestahoukawaywin ishpee ouschitaw kaw-cheestahoukawayhk keema pikou ishpee kaw-itayistakwahk sis mwawn ashpinae ouschi sa daryeen ikouhk la michin chi-outinamihk cheestahoukawaywin keema kaw-kayshchinahoohk COVID-19 awhkousiwin.

Tawnday chi-ayawyin ooma COVID-19 cheestahoukawaywin

Lee napwaenmawn chikee oushtaniwun poor pikwawna kaw-kashkihtamashouhk lawzh sis mwawn pi ayiwawk shawpou:

- ooma COVID-19 cheestahoukawayyen kaw-miyikawtayk
- la Provays Cheestahoukawaywin Kawshchitinkaywin En Plass itay 1-833-943-3900 (TTY keema li moond noo kaw-paystum, mawchi kaypishayw keema no nistawwaytakoosh: 1-866-797-0007), ihtakwun ayiwawk trraw sawn lee lawngaezh, Laenjee isko Vaendarjee (namoo li vakaans) 8:30 a mataen ouschi ishko 5:00 aswayr L'Est Litawn
- li piblic la sawntee en seksyoon awpachistawak wiyawow see napwaenmawn en system
- kaw-takoochik li doktoer
- kaw-takoochik la michinn ita ka-kawkenayihcikawtayk (poor pikwawna sa lawzh deu ayaw pi ayiwawk)
- Indigene-neekawneewin cheestahoukawayyen la sawntee plaes

Tawnday chi-ayawyn ayiwawk weehstamakaywin ouschi covid cheestahoukawaywin?

- Ontario.ca/covid
- La Provayns Cheestahoukawaywin Kawshchitinkaywin En Plass itay 1-833-943-3900 chi-peekishkwawtit peehkishkwayshtamakew (TTY: 1-866-797-0007)
- Ooma VaxFacts+ La sawntee plaes chi-peekishkwawtit aen trustab li doktoer ouschi Scarborough La sawntee Network itay www.shn.ca/vaxfacts
- La bonn sawntee 811 daw li computer keema taypwayhkun 811 (TTY: 1-866-797-0007 mouschi shaywepichikun) poor la bonn sawntee kawkakayshkimiwaywin pi weehstamakaywin toul tawn d'zhournee, set d'zhournee payyek en smenn

Li floo Cheestahoukawaywina

Tawnaenhki si aenportaan chi-ayawyn li floo cheestahoukawaywin

Ooma li floo chikee en siirieu pi chikee neekawneeshtam awyimihooowina aykwawnima kaw-kee-ayawyn daw lapital, sourtoo parmi li vyeu pi li ptsi tawnfawn. Awyimihooowina chikee meena avek li mooniya keema li badmawn cheur. Didawn awtist ishpainwina, chikee ishpain nipoouwin. Ooma li floo cheestahoukawaywin nawachiko miywawsin chi-nakinamin li floo.

Ishpee chi-ayawyn ooma li floo cheestahoukawaywina

Chikee ayawyn li floo cheestahoukawaywin mitouni ishpee kaw-ihtakouhkik, ayis deu la smenn kaw-poni-cheestahoukawaywin chi-kenawayimikoun. Ayis kenawayimikouwin ilar fyeuzee pawsci li tawn pi li floo itouwahk meeskouchipayin wahweeput, si aenportaan chi-ayawyn ooma li floo cheestahoukawaywin tou lee zawn.

Tawnday chi-ayawyn ooma li floo cheestahoukawaywin

- li doktoer keema li nurs pamihiyaww
- awtist daw alawntour li public la sawntee en seksyoон
- kaw-takoochik la michinn ita ka-kawkenayihcikawtayk (poor pikwawna sa lawz deu pi ayiwawk)

Li floo cheestahoukawaywin poor li vyeu

Poor ooma li sezoon'd 2023/2024, keeshpin kiya lawz sis saenk pi ayiwawk, ihtakwunwa trwaw jeufarawn li floo cheestahoukawaywina:

- lyikouhk la michin chi-outinamihk cheestahoukawaywin aykwawnima kenawayimikoun pakwatem kat itouwahk li floo la malajee kaw-awshoupayik
- Ooma adjuvanted cheestahoukawaywin aykwawnima kenawayimikoun pakwatem trwaw itouwahk li floo la malajee kaw-awshoupayik pi ashtayw adjvant (li fyel kaw-ashtahk ishi cheestahoukawaywin aykwawnima weechihikow ouhtihtikow chi-kenawayimikout kaw-zaenproov malaed nawtamakaywin)
- Ooma ishpow-ikouhk la michin chi-outinamihk cheestahoukawaywin, aykwawnima kenawayimikoun pakwatem kat itouwahk li floo la malajee kaw-awshoupayik, mawka nawat ishpow ikouhk la michin chi-outinamihk

Kahkiyw trwaw li floo cheestahoukawaywin itouwahk aykwawnihi pat dawnzhee, apatan pi miyoumaykiw shoohkun kenawayimikoun ishi li vyeu. Peekishkwawta toon li dokteur, li nurs pamihewayw, la michinn kawmaenkit keema li public la sawntee en seksyoон kiko nawashoonikaywin nawachiko miwashin poor kiya.

Tawnday chi-ayawyn ayiwawk weehstamakaywin ouschi ooma li floo cheestahoukawaywin?

- Ontario.ca/flu
- La bonn sawntee 811 daw li computer keema taypwayhkun 811 (TTY: 1-866-797-0007 mouschi shaywepichikun) poor la bonn sawntee kawkakayshkimiwaywin pi weehstamakaywin toul tawn d'zhournee, set d'zhournee payyek en smenn